

黃氏逸書考

子史鈎沈

逸書考

唐固國語注

甘泉黃奭學

載囊弓矢

欒韜也

史記周本紀集解

昔我先王世后稷

父子相繼曰世

同上

猶其原隰之有衍沃也

下平曰衍有漑曰沃

同上

陳錫載周

言文王布錫施利以載成周道也

同上

農祥晨正

農祥房星也晨正謂晨見南方謂立春之

日

初學記歲時部上 御覽二十

是教逆也

言不教之順而教之逆

史記魯世家集解

宣王欲得國子之能導訓諸侯者

國子謂諸侯能治國養百姓者

韋解

宣王既喪南國之師

南國南陽也

史記周本紀集解

伯陽父曰

伯陽甫周柱下史老子也

同上

鸞鸞鳴於岐山

鸞鸞鳳之別名也

韋解引三君云君謂鄭賈唐

案二

周文公之詩曰兄弟鬩于牆外禦其侮

常棣召穆公所作

韋解引鄭唐二君

鄭武莊有大勲力於平桓

奪鄭伯政鄭伯不朝王伐鄭鄭祝聃射王

中肩豈得爲功桓當爲惠傳曰鄭有平惠

之勲

韋解

昔隲之亡也由仲任

隲爲鄭武公所滅非取任氏而亡也

同上

鄆由叔姪

亦鄭武公滅之不由女亡也

同上

狄人來誅殺譚伯

譚伯周大夫原伯毛伯也

史記周本紀集解案案證云

左傳太叔之難獲周公忌父原伯惠周據傳又讀譚爲原

野有庾積

十六斗曰庾

韋解

不亦嬪姓矣乎

姓命也。一曰夏氏姬姓鄭女亦姬姓故謂

之嬪姓

韋解引賈唐二君云

楚子入陳

遂取陳以爲縣

韋解

故名之曰黑臀於今再矣

時晉景公在位成公生景公故言再

同上

克厭帝心

厭合也

補音

昊天有成命二后受之成王不敢康

言昊天有所成之命文武則能受之謂脩

己自勤以成其王功非謂周成王身也

韋解

引賈鄭唐說

二后受之讓於德也

二后所以受天命者能讓有德也

韋解引賈唐

君云

將鑄大錢

大錢重十二銖文曰大泉五十

韋解

二曰太族所以金奏贄陽出滯也

太族正聲爲商故爲金奏所以使陽發出

滯伏也

韋解

禮記正義俱引注賈唐注

是故先王制諸侯使五年四王一相朝

先王謂堯也五載一巡狩羣后四朝

韋解

莊公丹桓公之楹而刻其桷

桷榱頭也

同上

大懼乏周公太公之命祀

周公爲大宰太公爲太師皆掌命諸侯之

國所當祀也或云命祀二公也

韋解引賈唐二君云

嘗禘烝享之所致君胙有數矣

臣祭致肉於君謂之致胙

同上

烝將躋僖公

烝祭也

韋解

其天札也

未名曰天

同上

水虞於是乎講眾罾取名魚登川禽而嘗之
寢廟行諸國人助宣氣也

孟春

同上

土之怪曰獺羊

獺羊雌雄不成者也

韋解家集解

史記孔氏注

賦注

師尹維旅牧相宣序民事

師尹大夫官也掌以美詔王維陳也族眾
土也牧州牧也相國相也皆百官政事之

所及也。一曰師尹公也。詩云赫赫師尹。

引三君云

宗不具不繹

繹祭之明日也

韋解

宗室之謀不過宗人

不過宗人不與他姓議親親也

韋解引虞唐云

今吾子之敎官僚

同官爲僚

韋解已上曾語

夫管仲射寡人中鈞是以濱於死

濱近也管仲臣於子糾乾時之戰桓

公中鈞

韋解引三君云

九妃六嬪

九妃三國之女以姪娣從也

韋解

制國以爲二十一鄉

四民之所居也

同上

士鄉十五

士與農共十五鄉

同上

案管子小匡云商工之鄉六十士農

鄉十五此唐說所本

服大輅龍旗九旒渠門赤旂

大輅玉輅

同上
已上齊語

非禮不終年

不終其年

韋解

伯氏不出

伯氏申生也一云伯氏狐突也

韋解引
唐云

不懼不得

不得不得君心也

同上

弑君以爲廉

爲太子殺奚齊不有其國以爲廉也

韋賢

夷吾逃於梁

梁晉滅以爲邑

同上

出其世子而改葬之

唐以賈君爲申生妃

同上

貞之無報也孰是人斯而有是臭也

貞正也謂惠公欲以正禮改葬世子而不獲吉報也孰誰也斯斯世子也誰使是人
有是臭者言惠公使之也或云貞謂申生

也

韋解引賈唐云

作轅田

讓肥取礲也

韋解

凡黃帝之子二十五宗

繼別爲小宗

同上

昔少典娶於有蟯氏生黃帝炎帝

少典黃帝炎帝之父

韋解引虞唐云

公請隧

隧王之葬禮

韋解引三君云

文公誅觀狀以伐鄭

誅曹觀狀之罪還而伐鄭

韋解

夫三德者偃之出也

三德欒枝先軫胥臣皆狐偃所舉

韋解引賈唐云

狐毛卒使趙衰代之

代將

軍

韋解引虞唐云

惠慈二蔡

蔡文王子管叔初亦爲蔡

韋解引三君云

詢於八虞

八虞周八士皆在虞官伯達伯括仲突仲

忽叔夜叔夏季隨季騶

韋解引賈唐曰詩思齊正

諏於蔡原而訪於辛尹

辛甲尹佚蔡公原公也

詩思齊正義引賈逵唐固云

作三軍

去新軍之上下

韋解

朞年乃有賈季之難

晉蒐於夷舍二軍

同上

戰以錡于丁寧

錡于錡也

同上

卻至以韎韁之跗注

一染曰韎

韁解引三君云

呂錡佐呂莊子於上軍

荀首將上軍

韁解

使公族穆子受事於朝

獻子致仕而用其子爲公族大夫

同上

問於張老

張老中軍司馬也

韁解引三君云

及爲成師居大傅

爲成公軍師兼太傅官

韋解已上晉語

建九紀以立純德

九紀九功也

韋解引賈唐云

合十數以訓百體

十數自王以下位有十等王臣公公臣大

夫大夫臣士士臣皐皐臣與與臣隸隸臣

僚僚臣僕僕臣臺百體百官各有體屬也

合此十數之位以訓導百官之體

同上

使婦人不幃而譟之

羣呼曰譟

史記周本紀集解

應韓不在

不在時已亡也

韋解引三君云

秦景襄於是乎取周土

秦景公宣王季年伐西戎破之遂有其地

同上

已上鄭語

蔡聲子將如晉

楚滅蔡蔡聲子爲楚大夫

韋解

在中軍王族而已

族親族同姓也

同上

於是乎作懿戒以自儆也

懿戒書也

韋解引三君云

武丁於是作書

書說命也

韋解引賈唐云

命火正黎司地以屬民

火當爲北

韋解案臣瓚注漢書以爲古文火字似北見史記麻書索隱

已上楚語

行頭皆官師

官師大夫也

韋解引三君云

擁鐸拱稽

稽檠戟也

韋解

鼓丁寧鐔于

鐔于鐔

同上

王稱左畸曰攝少司馬茲與王士五人坐於
王前

稱呼也左畸軍左部也攝執也少司馬茲

與王士五人皆罪人死士也

韋解引賈唐二君云

乃皆進自剄於客前以酬客

剄剄也酬報也將報客使死士自剄以示

其威行軍士用命也

同上

蔡笠相望於艾陵

登夫須也

韋解

國人欲告者來告

告不任兵事也

韋解引三君云

王背檐而立大夫向檐

屋名也

孟子梁惠王疏
已上吳語

德虐之行因以爲常

言無德行虐習以爲常

韋解

忠臣解骨

解骨子胥伏屬鏹也

韋解引賈誼一君二

與其重祿

重祿寶璧也

韋解
已上越語

附錄

王將鑄無射而爲之大林

韋解賈侍中云無射鍾名律名無射也大林無射之覆也作無射爲大林以覆之其律中林鍾也或說云鑄無射而以林鍾之數益之唐尙書從賈

故名之曰黃鍾所以宣養六氣九德也

禮記月令正義引注云十一月建子陽氣在中六氣陰陽風雨晦明九德金木水火土正德利用厚生作事宜徧黃鍾象氣伏地物始萌所以徧養六氣九功之德案國

語下文二曰太簇所以金奏贊陽出滯也
禮正義引賈唐云太簇正聲爲商故爲金
奏所以助陽出滯物也據此則上下文所
引注皆賈唐注可知

三曰姑洗所以修絜百物考神納賓也

禮記正義引注云是月之物修絜故用之

宗廟致神納賓也

說見上

五曰夷則所以詠歌九則平民無貸也

禮記正義引注云乾九五用事夷平則法

也言法度平故可詠歌九功之法平民使

不貸也

說見上

六曰無射所以宣布喆人之令德示民軌儀也

喆韋本作哲

禮記正義引注云乾上九用事無射陽氣上升陰氣收藏萬物無射者也喆人后稷布其德教示以法儀當及時銍穫而收藏之

說見上

二間夾鍾出四隙之細也

禮記正義引注云夾鍾夾助陽四隙謂蕤
鍾大呂太簇夾鍾凡助出四隙之微氣令
不滯伏於下也

說見上

五間南呂贊陽秀也

禮記正義引注云坤六二也南任也陰任
陽事助成萬物贊佐也陰佐陽秀成物也

說見上

六間應鍾均利器用俾應復也

禮記正義引注云坤六三用事應當也言

陰當代陽用事百物可種藏則均利百工之器俾應復者陰陽用事終而復始也

說見

上

已上周語

木石之怪曰夔蜺

韋解或云夔一足越人謂之山縑舊音山

縑音騷唐賈孔並同

魯語

縑山於有牢

舊音出縑字云賈唐孔作環

反胙於絳

韋解賈侍中云反復也胙位也絳國絕無嗣晉位
也晉獻公卒奚齊卓子死國絕無嗣晉位
失其胙位桓公以諸侯討晉至高梁使歸
朋帥帥立公子夷吾復之於絳是爲惠公
事在魯僖九年唐從賈以上齊語
設微薄而觀之

左氏僖二十三年傳釋文引國語云薄簾
也案國語下疑脫注字宋公序云韋注亦
無簾薄之說恐是賈唐所注

與麗土之狄

舊音麗土唐賈與韋同孔晁爲酈

今陽子之情諧矣

舊音諧唐本爲譏

趙簡子問於壯馳茲

舊音壯馳茲音莊賈孔本同唯唐固依春

秋公子譜作壯案唐本當作莊傳寫之誤

已上晉語

而與專同

舊音劇賈唐孔作專

鄭語

椒舉娶於申公子牟

舊音湫舉唐孔本並作椒

納之太宰嚭

韋解語吳正卿故楚大夫伯州黎之子嚭

昭元年州黎爲楚靈王所殺嚭奔吳唐位

書云平王殺之

越語

子史鈎沈

逸書考

王肅國語章句

甘泉黃奭學

鄭伯南也

鄭伯爵而連男言之猶言曰公侯足句辭

也左氏昭十三年正義周語

墮會稽

墮毀也

史記孔子世家集解

山川之靈足以紀綱天下者其守爲神

守山川之祀者爲神謂諸侯也

同上

社稷之守爲公侯

但守社稷無山川之祀者直爲公侯而已
於周爲長狄今爲大人

周之初及當孔子之時其名異也

同上

長者不過十之數之極也

十之謂三丈也數極於此也

同上

通道於九夷百蠻

九夷東方夷有九種也百蠻夷狄之百種
各以方面所有之財賄而來貢

同上

使無忘服也

使無忘服從於王也

同上

魯語

子史鈎沈

通鑑

孔晁國語注

甘泉黃奭學

陽癉憤盈上氣震發

癉起憤盛也盈滿震動也

舊音

戰於千畝

宣王不耕籍田神怒民困爲戎所伐戰於

近郊

詩祈父正義

陽伏而不能出陰迫而不能烝

陽氣伏于陰下見迫於陰故不能烝以至

於地動

左氏文九年經正義

晉侯端委以入

玄端之衣委貌之冠也

御覽六八八十五

行理以節逆之

理孔晁本作李

行理行人之官也

左氏僖三十三年傳正義

禮如行人

行人使人也以使人之禮禮之不從聘者

之賜禮也

左氏成十三年傳正義

二十四年

昭二十一年

左氏昭二十一年傳正義

則我皇妣大姜之姪伯陵之後逢公之所憑也

大姜大王之妃王季之母也女子謂昆弟之子曰姪伯陵大姜之祖逢公大姜之姪伯陵之後逢公殷諸侯也

左氏昭十年傳正義 己上周

詩

觀民於社

聚民於社觀戎器也

左氏莊二十三年經正義

室如懸磬

懸磬但有桷無覆蓋

左氏僖二十六年傳正義

能帥顓頊者也有虞氏報焉

幕能脩大功不及祖德不及宗故存於歲

之大烝而祭焉謂之報

左氏昭八年傳正義脩大下疑脫字

其葬也焚烟徹於上

亡葬而樞焚烟達棹外

左氏文二年傳正義

滅於戲

戲西周地名

詩王城譜正義

晉侯使行人問焉

韓獻子白晉侯使行人問也

左氏襄四年傳正義

咨才爲諏

材謂政幹也

同上

重之以六德

既有五善又自謂無及成爲六德

同上

是故天子大采朝日

大采謂袞冕

禮記玉藻正義

少采夕月

少采謂黼衣

同上
已上魯語

作轅田

爰易也賞衆以田易其疆畔

左氏僖十五年傳正義

案轅爰通用

聞其辭脅欲觀其狀

聞公子脅幹是一骨故欲觀之

左氏僖二十三年正義

正義

謀其將浴

謀候也

同上

設微薄而觀之

微薄也

同上

其左執鞭弭右屬橐鞬

馬鞭及弓分在兩手欲辟左帶橐鞬之

故云左執

同上

乃婦女而納幣且逆之

婦懷贏更以貴妾禮迎之也

同上

欒武子將上軍范文子將下軍

上下中軍之上下也傳曰欒書將中軍

變變佐之又曰欒范以其族夾公行

左氏出
六卷

傳正義

辛巳朝於武宮

以辛未盟入國辛巳朝祖廟取其祭也

左氏

成十八年傳正義

正月乙酉公即位

二月卽位言正月者記者誤也

同上

欒伯請公族大夫

公族大夫掌公族及卿大夫子弟之官

無忌備公族

備公族大夫

左氏成十八年傳正義

歌鍾二肆

歌鍾鍾以節歌也

左氏襄十一年傳正義

七合諸侯

不數救陳與戊鄭虎牢餘爲七也

同上
案內傳

作九合

若諸侯服不過三年不服不過十年過是晉

之殃也

人雖有命荒淫者必損壽無外患則并心於內故三年死諸侯不服則思外患損其內情故十年無道之君久在民上實國之殃也

左氏昭九年傳正義

士景伯如楚叔魚爲贊理

景伯晉理官叔魚佐之景伯聘楚叔魚專

斷

左氏昭十四年傳正義

邢侯與雍子爭田

邢與鄩比爭疆畛

同上

遂施邢侯氏

施廢其族也

左氏昭十四年正義傳釋文又正義

案孔蓋讀施爲

弛補音無其族二字

東方之士孰爲愈

愈勝也

舊音賈孔並作愈已上晉語

芊姓夔越不足畏也

熊繹立孫曰熊摯有疾楚人廢之立其弟

熊延熊摯自棄於夔子孫有功王命爲夔

子

左氏僖二十六年正義
鄭語

使名姓之後

聖人大德之後

周禮春官序官疏引孔

能知四時之生犧牲之物

生謂粢盛犧謂純毛色牲謂牛羊豕

同上

玉帛之類

禮神玉帛

同上

壇場之所

去廟爲祧去祧爲壇去壇爲墠場祭道

曾子問道而出是也

周禮春官大司馬疏

上下之所祗

上謂凡在天之神天及日月星辰謂凡在地之神謂地山林川谷邱陵也

氏姓之所出而心率舊典者爲之宗

既非先聖之後又非名德之後氏姓所

出之後子孫而心常能循舊典則爲大

宗大宗者於周爲宗伯

同上

祀以會

四方來會助祭也

禮記王藻正義

遠不過三月近不過浹日

遠牛羊豕近犬雞之屬

周禮充人云已上楚語

將入於棘闥

棘楚邑闥巷門

左氏昭十三年傳吳文吳語

附錄

木石之怪曰夔蜎蝻

韋解或云夔一足越人謂之山縑舊音縑

音騷唐賈孔並同

魯語

與麗土之狄

舊音麗土唐賈與韋同孔晁爲

今忼日而漱歲

舊音漱孔晁注爲惕

吾伏跋貉血

舊音孔晁作喀音客

趙簡子田於螻

舊音螻賈孔本並作婁

趙簡子問於壯馳茲

舊音壯馳茲音莊賈孔本同

己上國語

惡角犀豐盈

舊音角犀賈唐孔本作犀

而與專同

舊音剽賈唐孔作專

己上國語

椒舉娶於申公子牟

舊音湫舉唐孔本並作椒

楚語

子史鉤沈

逸書考

虞翻國語注

甘泉黃奭學

熙廣也

廣當爲光

韋解

周語

海多大風多暖

是暖居之所避也

初學記風部

是故天子大采朝日與三公九卿祖識地德
大采衮職也祖習也識知也帝德所以廣

生

韋解

宗室之謀不過宗人

不過宗人不與他姓議親親也

韋解引虞唐云已

上魯語

非禮不終年

十年而數終

韋解引賈虞云

驪姬請使申生主曲沃以速懸

速疾也懸縊也

韋解

弑君以爲廉

廉直也讀若鬪廉之廉

同上

聚居異情惡

重耳夷吾情好不同故惡相近

同上

其得姓者十四人爲十二姓

以德爲氏姓凡有二十五人其二人同姓
姬又十一人爲十一姓西祁已滕蒧任荀
釐佶嬭衣是也餘十二姓德薄不足錄

史記

五帝本紀集解

昔少典娶於有蟠氏生黃帝炎帝

少典黃帝炎帝之父

韋解引虞唐云

夫三德者偃之出也

三德謂勸文公納襄王以示臣義伐原以示信大蒐以示民禮故以三德紀人

韋解

狐毛卒使趙衰代之

代將新軍

韋解引虞唐云

趙穿攻公於桃園

園名也

史記晉世家集解

且今君若使之於周

周京師

同上
已上晉語

問於史伯

周太史

史記鄭世家集解

虢鄆爲大

虢姬姓東虢也鄆姁姓

同上

故命之曰祝融

祝大融明也

史記楚世家集解

昆吾爲夏伯矣

昆吾名樊爲己姓封昆吾

同上

彭姓彭祖

名翦爲彭姓封於大彭

同上

計億事

萬萬爲

韋解引賈虞說

余褒之二君也

龍自號褒之二先君也

史記周本紀集解

及厲王之末

末年王流彘之歲

同上

武王之子應韓不在

不在時已亡也

韋解引三君云

邑皆有寄他

十邑謂號鄆鄆蔽補丹依厖厖華也

史記

家集解 已上鄭語

於是吳王起師軍於江北

松江北去吳國五十里

水經沔水注

以其私卒君子六千人爲中軍

言君養之如子

史記越世家集解
已上吳語

定傾者與人

人道尙謙卑以自牧

史記越世家集解

戰於五湖

太湖有五道別謂之五湖

初學記地部
玉海二十三

使王孫雄行成於越

吳大夫

史記越世家集解

君王已委制於執事之人矣

執事蠡自謂也

同上

無使執事之人得罪於子

我爲子得罪

同上
越語

子史鉤沈

逸書考

孔衍春秋後語 盧藏用注

甘泉黃奭學

蘇秦歸周夜發書篋數十得周書陰符伏而
讀之欲睡引錐刺其股血流至踝晝年揣摩
出曰此可以說當世之君矣

案此文本見秦策故仍編入秦

後語并以下條附焉

蘇秦事鬼谷子學終辭歸道行乏困以燕人
蠡卜傳食自給各解臧獲之裘

秦孝公使公孫鞅定法令法令既具恐人不信乃立三丈之木於國都市南門募民有能徙置北門者與千金

陳軫爲楚使來見秦惠王惠王謂陳軫曰今韓魏相攻耆年不解或謂寡人救之便或曰勿救便寡人不能自爲決願子爲寡人計之軫曰亦嘗有以卞莊子之刺一作虎於王

者乎王曰不聞軫曰昔卞莊子方刺虎而管監子止之曰兩虎方食牛牛甘必爭必鬪

鬪則大者傷小者死從傷而刺之一舉必有
雙虎之名卞莊子以爲然立而顧之有頃兩
虎果鬪大者傷小者死一舉果有雙虎之功
今韓魏相攻葢年不解是必大國傷小國亡
從而伐之一舉必有二實此猶卞莊子刺虎
之類也惠王曰善卒不救待其敗而攻之果
大尅

甘茂曰臣聞魏文侯命樂羊將攻中山三年
而拔之樂羊反而論功文侯示之謗書一篋

甘茂奔齊路逢蘇代將爲齊使於秦甘茂曰
臣得罪於秦逃遁至此無所容跡吾聞貧人
女與富人會績貧人女曰我無錢以買燭而
子燭幸有光子可以分我餘光無損子明而
得一斯便焉

頃襄王二十年秦白起拔楚西陵或拔鄢郢
夷陵燒先王之墓王徙東北保於陳城楚遂
削弱爲秦所輕於是白起又將兵來伐案御覽本
文祇云白起將兵伐楚而姚本國策注云此
段首有缺文史記新序後語皆有之文亦小

異今以後語補則此楚人有黃歇者游學博

文本出後語當從之

聞襄王以爲辨故使於秦說昭王曰天下疆國莫過於秦楚今聞大王欲伐楚此猶兩虎相與鬪而驚犬必受其弊不如善楚也秦王乃止不伐楚約爲與國黃歇受之約而歸

范雎對秦王曰伍子胥橐載

注云韋橐

而出昭關

夜行晝伏至於杜陵無以餬其口坐行匍匐稽首肉袒而鼓腹吹簫乞食於吳市

秦欲攻安邑請齊救之則以宋委於齊曰宋

王無道爲木人以象寡人射其面寡人地絕
兵遠不能攻也王苟能破宋有之寡人如自
待之

甘羅請張唐相燕呂不韋叱曰我自請不行
汝女能行之甘羅曰夫項橐七歲爲孔子師
今臣十二歲矣君其試臣何遽叱乎

始皇初立尊呂不韋爲相國時諸侯多辨士
如荀卿之徒著書滿天下不韋亦使其客著
所聞集論二十餘萬言以爲備天地萬物古

今之重號曰呂氏春秋布咸陽市懸千金其上延諸侯遊士賓客有能增損改定一字者與千金莫能有定者

呂不韋謂太后曰詐腐刑嫪毐則得給事中乃令人以腐罪告之拔其須眉以爲宦者

尉繚來說秦王曰以秦之強諸侯譬如郡縣之君臣但恐若或合從醮而出不意此智伯夫差湣王之所以亡也願大王無愛財物賄其豪臣以亂其謀秦不過亡三十萬金則諸

侯可盡王大喜之

並御覽

秦三十二年燕人盧生奏籙圖曰亡秦者胡也始皇乃使將軍蒙恬將兵三十萬北擊胡收河南地遂築長城以爲塞三十六年始皇南巡還至平原津病始皇惡言死無復言死事病甚乃璽書賜扶蘇使以喪會咸陽而葬以書付行符璽令趙高未授使者丙寅始皇崩於沙丘唯少子胡亥從丞相李斯恐天下有變不敢發喪棺載還咸陽趙高素與胡亥

書留所賜扶蘇書密謂胡亥曰上崩無詔封王諸子而獨賜扶蘇書扶蘇卽位爲皇帝太子無尺寸之地胡亥曰爲將奈何高曰非與丞相謀事不能成乃謂李斯曰今扶蘇卽位必召蒙恬爲相於君不亦疎乎於是李斯然趙高言乃詐受始皇詔立胡亥爲太子更作書賜扶蘇曰朕巡行天下禱祀名山以延年壽而數上書非我所爲日夜怨望不得爲人子不孝其賜自裁將軍恬與蘇居不匡正宜

知其謀爲人臣不忠亦賜死扶蘇爲人仁得書泣卽死胡亥卽位爲二世葬始皇於酈山

文選思
玄賦注

二世夢白虎齧其左驂殺之心惡怪之卜云

涇水爲祟

御覽

右秦語

案秦策黃歇說秦昭王篇鬼神狐祥吳氏補正引作潢洋後語

潢潢戶廣反洋音養又中期堆琴引後語作伏琴又范曄云人主賞所愛引後

語作庸主
今並闕

齊桓侯六年越醫扁鵲過齊桓侯客待之人

朝見曰君有疾在腠理不治將深桓侯曰寡人無疾扁鵲出桓侯謂左右曰醫之好利欲以不病爲力後五日復見曰君疾在血脉後五日復見曰君疾在腸胃後五日見桓侯而退走桓侯使人問其故曰疾在骨髓臣是以無請也桓侯遂卒

御覽

秦師臨周以求九鼎顯王患之以告顏率率曰請救於齊遂說齊王

國策注引後語作齊宣王曰秦無

道欲興師求周之鼎君臣計不若歸齊卽願

王圖之齊王悅發師救周秦師罷齊求鼎顏
率曰周卽獻鼎然不可懷挾提揭不識何塗
之從王曰塗於梁率曰梁欲求鼎謀於暉臺
之下小海之上梁必不出也王曰從楚率曰
謀於章華臺之上國策本作葉庭之中注楚
引後語作章華之庭
必不出矣齊王乃止

白帖

淳于髡見鄒忌曰狐裘雖敝不可補以黃犬
之皮忌曰諾謹受教請擇君子無雜小人其
間

鄒忌與田忌不相善公孫閱謂鄒忌曰何不
詐令人操千金卜於市曰我田忌之人也吾
三戰而三勝聲威天下欲爲大事亦吉乎卜
者出因令人捕之卜者驗其辭於王之所鄒
忌從之田忌懼無以自白遂率其徒襲攻臨
淄欲殺鄒忌不勝而奔

初孫臏與龐涓俱學兵法涓旣事魏惠王將
自以爲不及孫臏乃使之召孫臏孫臏至以
法刑之斷其兩足後齊使以爲奇竊載與之

歸田忌善客得之田忌數與齊諸公子馳逐

重射

注云馳馬爭先射重科爲勝也

孫臏見其馬足不甚相

遠有上中下輩於是臏謂田忌曰君第重射

我能令君勝田忌信然之與王及諸公子逐

射千金臨質孫臏曰取君之下駟與彼上駟

取君之上駟與彼中駟取君之中駟與彼下

駟旣三軍畢而田忌不一勝而再勝忌得千

金於是田忌進孫臏於威王王問兵法而師

淳于髡曰夫鳥同翼者聚飛而獸同足者俱行各有儔也

昔齊有良兔曰東郭狻一日走百里有良狗曰韓子獵亦一日而走百里使人逢見而指屬則雖韓獵不及良兔躡跡而蹤之則雖東郭不能離也

淳于髡說齊威王曰韓子獵者天下之壯犬也東郭狻者海內之狡兔也韓子獵逐東郭狻還山者三騰山者五兔極於前而犬疲於

後犬免俱疲各死其處田父見而獲之無勞
倦之苦而擅其功今齊魏相持頓兵敝衆臣
恐強秦大楚乘其後而有田父之功威王懼

而罷兵

並御覽

薛靖郭君曰嬰嬖妾五月五日生子文俗云
此日生子及戶損其父妾匿養之文長曰受
命於天受命於戶何不高其戶

白帖

田文謂其父靖郭君曰君後宮蹈綺縠之衣

而士不得短褐

一見事類賦注

孟嘗君每待客坐語屏風後嘗有侍史工記
所與客語知其親戚居處客去後使使謝餽
無所遺失

馮諼謂孟嘗君曰聞狡兔有三穴僅得免其
死耳

蘇秦如齊見王拜而慶仰而弔齊王曰是何
慶弔相隨而速也蘇秦曰臣聞飢人之所以
不食烏喙者以爲雖偷充腹而與死人同患
也今燕雖■小秦王之女壻大王利其十城

而長與強秦爲仇今使弱燕爲鴈行而強秦
繼推其後是食烏喙之類

蘇秦在齊齊大夫多與爭寵而使人刺之不
殊而走齊王求賊不得蘇秦將死乃謂王曰
臣死之後王車裂臣徇於市曰蘇秦爲燕作
亂於齊如此則刺臣之賊必得矣齊王如其
言殺蘇秦賊果自出齊王因而誅之

秦攻趙長平齊楚救之趙人無食請粟於齊
齊欲勿與周子曰不如與之以退秦兵不與

則秦兵不却是秦之計中而齊楚之計過也
且趙之於齊楚捍蔽也猶齒之於唇唇亡則
齒亡今日亡趙明日患及齊楚是救趙之務
宜若奉漏甕汲焦釜也夫救趙高義也却秦
兵顯名也義救亡國威却強秦之兵不務爲
此而務愛粟爲國計者過矣齊王不聽秦破
趙於長平逐圍邯鄲焉

貂勃常惡田單曰安平君小人也安平君聞
之故爲酒而召貂勃曰單何以得罪於先生

常見惡乎貂勃曰然跽之狗吠堯非貴跽而
賤堯狗自吠非其主也且使公孫子賢而徐
子不肖然而公孫子與徐子鬪徐子之狗將
攫公孫子之腓而噬之若乃得去不肖而爲
賢者狗豈特攫而噬之哉安平君曰敬聞之
矣明日乃任之於王

秦始皇聞齊王后賢嘗使遺之連環曰齊人
多智能解此乎后與羣臣莫能解乃引椎破
之謝秦使曰謹以解矣以報始皇壯其志益

不敢謀齊

並御覽

右齊語

案齊策於威王漢上篇又干綸注引後語作萌章子篇馬棧之

下作馬屎之中

顏觸作王蠋蘇秦說齊

合從篇

渤海作北海張儀爲秦連橫篇

博關下

引後語注今兗州博城縣有古

關是博關

又張儀事秦惠王篇梁王大

恐作魏襄王

孟嘗君出行國篇小國作

五國

紹勃常惡田單篇闕陽城而王闔

作今

並闕

楚宣王以昭奚恤爲相

按急就篇注引春秋後語楚有昭雁事無

考

諸侯畏之王問羣臣曰吾聞北方畏昭奚

恤亦誠何如江乙對曰虎求百獸而食之得

狐狐曰子無噉我天帝令我長百獸子若食我是違天帝之命子以我爲不信我爲子先行子隨我後觀百獸見我能無走乎虎以爲然隨狐而行百獸見之皆走虎不知獸之畏已反以爲畏狐也今王地方五千里帶甲百萬而任之於昭奚恤然則北方非畏昭奚恤其實畏王之甲兵故人臣見畏者君威也君不用則威亡矣

蘇秦在楚三年乃得見王談卒辭行威王曰

寡人聞先生若聞古人今先生不遠千里而
臨寡人曾不肯留願聞其說對曰楚國之食
貴於玉薪貴於桂謁者難得見於鬼王難得
見於帝今臣食玉炊桂因鬼見帝何事不去
威王曰先王就舍寡人聞命矣

蘇奉南說楚威王曰楚天下之強國也王天

下之賢王也西有黔中巫郡東有夏州

注云屈原

離騷過夏口而海陽

注云在廣陵東南有洞

今揚州海陵縣

庭蒼梧北有汾涇郇陽地方五千里帶甲百

萬車千乘騎萬疋粟支十年此霸王之資也
張儀謂楚王曰夫爲從者無異驅羣羊而攻
虎虎之與羊不格亦明矣今王不與虎而
與羊臣竊以爲大王之計過也

一見事類賦注

莊辛對楚王曰臣聞鄙諺曰見兔而顧犬未
爲晚也亡羊而補牢未爲遲也

楚威王問宋玉曰先生其有遺行與何士民
衆庶不譽之甚也宋玉對曰夫鳥有鳳而魚
有鯨鳳凰上擊九千里翱翔乎窈冥之上夫

藩籬之鷄豈能與料天地之高哉鯨魚朝發
於崑崙暮宿於孟津尺澤之魚豈能丈量江
海之大哉故非獸鳥有鳳而魚有鯨士亦有
之

楚頃襄王時人有好以弱弓微繳加歸鴈之
上者王聞之召而問焉對曰外臣之好射騏
羅驚小矢之發也何足爲大王道哉且楚國
之大因王之賢所弋非直此也昔者三代以
弋道德五霸以弋戰國夫秦魏燕趙王之騏

孔衍春秋後語

鴈也齊魯韓衛者青首也鄒費邾邳者羅鵲也其餘不足射也見鳥六雙唯五何取王若以聖人爲弓勇士爲繳時張而射之此六雙者可得而囊載也其樂非特朝夕之樂也

覽

右楚語

案楚策於張儀爲秦破從篇韓

地莊辛謂楚襄王篇以其類爲招作以其頸爲的飲茹溪流作飲茹溪之疏注云茹溪巫山之溪考烈王無子篇注東之封作江東十二縣之封朱英作觀人朱英注觀地在河北平原今並闕

晉太史屠黍見晉之亂以其國法歸周

趙襄子欲保晉陽曰奈何無箭張孟談曰臣聞董安于之在晉陽公宮之垣皆荻蒿

一見初學

記

張孟談陰見韓魏之君曰臣聞唇亡者齒寒今智伯率二君而伐趙趙將亡矣趙亡則二君爲之次二君曰我知其然

智伯率韓魏之兵以伐趙圍襄子於晉陽決晉水以灌晉陽之城不沒者三板智伯行水

魏桓子御韓康子參乘智伯曰吾不知水之
可以亡人國也乃今知之然汾水可以灌安
邑絳水可以灌平陽魏桓子肘韓康子膝
履桓子之足接於車上而智伯地分身國
亡爲天下笑

襄子大敗智伯軍殺智伯漆其頭以爲飲器

一見
書鈔

襄子旣滅智伯智伯之臣豫讓變姓名入宮
塗廁以刺襄子襄子覺而赦之後讓伏於橋

下襄子至橋馬驚使視之復得讓襄子歎曰
嗟乎豫讓之爲智伯名旣成矣寡人之赦子
亦足矣子自爲計寡人不釋子矣讓曰臣固
伏誅願得君之衣而擊之於是襄子義之脫
附身之衣以與之讓拔劍三躍呼而擊之曰
吾可以下報智伯矣遂伏劍而死

趙烈侯謂其相公仲建曰寡人所愛可以貴
之乎曰富可也貴之則不烈侯乃命以田萬
畝賜善歌者二人公仲建許諾而不與居一

月烈侯之代還問曰與之乎曰未有可者

邯鄲之北有蘇人侯蘇秦往說之蘇人侯送以黃金百鎰其家丞見曰君侯之與客無故舊而送之百鎰其說可得聞耶蘇人侯曰客天下辯士立談之間每奪我地而復歸之吾地雖小豈直百鎰

武靈王十九年春正月大朝信武宮乃召肥

義與議天下事五日而畢遂北畧中山登黃

華之上

注云黃華山名也戰國策武靈王遊於人陵夢見處女鼓一而歌登黃華

之上○此條
見戰國策注

張儀說趙王曰今日楚與秦爲兄弟之國而
韓魏稱爲藩臣齊獻魚鹽之地此斷趙之右
臂也

惠文王二十九年秦韓相攻軍於闕與王召
廉頗問曰可救不對曰道路險狹難救也又
問樂乘對如廉公言又問趙奢對曰道遠險
狹譬如兩鼠鬪於穴中將勇者勝王乃令奢
救之

初廉頗之免於將而歸也失勢故人賓客盡去及復用客乃復至頗謝遣之客曰君何見之晚也天下市道交君不知之耶君有勢我節進君無勢我卽去此固其理君何怒焉

秦急攻趙求救於齊齊王曰必以長安君爲質兵乃出長安君者太后

史記索隱引後語作惠文后

之

少子也太后愛之不肯遣大臣強諫太后怒謂左右曰敢復言長安君爲質者老婦必唾其面左師觸龍請見太后曰老臣病足曾不

能疾走不得見久矣自恐太后體有所苦也
太后曰老婦恃輦而行耳因是太后怒色稍
解乃徐說之太后從之

案趙策觸龍稱太后
爲媼注云太后稱媼

非也春秋後
語並作太后

趙相虞卿躡屣擔簦來說孝成王王悅賜白
璧一雙黃金百鎰再見拜爲上卿故號虞卿
平原君家樓臨民家民家有躡者

注云躡躡
躡之名

盤散行汲平原君美人居樓上臨見大笑之
明日躡者至平原君門請曰臣不幸有跛躡

之疾而君之後宮臨而笑臣臣願得笑者頭
平原君曰諾及躄者去平原君笑曰豎子欲
以一笑之故殺吾美人不亦甚乎終不殺居
歲餘門下客稍稍引去過半平原君怪之一
人前對曰以君之不殺笑躄者於是平原君
斬所笑美人頭造躄者門而謝焉

趙王使平原君入楚求其從約其客有文武
者二十人偕得十九人未有可以備二十者
毛遂請行平原君曰賢士處世譬如錐之處

囊中其鋒立見今先生處勝門下三年無所聞之是先生無所能也遂曰臣乃今日請處囊中耳若早處囊中乃脫穎而出非特未見也平原君乃許與偕

平原君對趙王曰澠池之會臣察武安君之爲人也小頭而銳瞳子白黑分明視瞻不轉小頭而銳斷敢行也瞳子白黑分明見事明也視瞻不轉執志強也可以持久難與爭鋒廉頗足以當之

秦急圍邯鄲邯鄲且欲降傳舍吏子李談說平原君曰今邯鄲之民析骨而炊易子而食可謂急矣而君之後宮以百數婢妾被綺縠餘粱肉而民褐衣不完糟糠不厭君器物鐘鼓自若使秦破趙安得而有此哉

並御覽

秦圍趙邯鄲魏使將軍新垣衍入邯鄲令趙尊秦爲帝魯仲連說罷之邯鄲旣存平原君欲封魯仲連仲連三辭不受平原君乃置酒酒酣起前以千金爲仲連壽仲連笑曰所貴

於天下之士者爲人排患釋難解紛而無取也則有取者乃商賈之人仲連不忍爲也遂辭平原君而去終身不復見

事類賦注

右趙語

宋姚氏戰國策後序引春秋後語二事一爲武靈王遊大陵一

爲平原君楚者並見本篇

魏文侯謀事而當羣臣莫之逮者朝而有喜色吳起進曰昔楚莊王朝而有憂色申公巫臣問曰君有憂色何也莊王曰吾聞諸侯擇師王者擇友霸者自足而羣臣莫之若者亡

今以不穀之不肖而議於朝羣臣莫能逮吾國其幾於亡乎吾是以有憂色

魏太子擊逢文侯之師田子方於朝歌引車避下謁之田子方不爲禮太子擊因問曰富貴者驕人乎貧賤者驕人乎子方曰貧賤者驕人耳夫諸侯而驕則失國大夫而驕則失家富貴者安敢驕人貧賤驕人耳行不合言不從則去之楚越若脫屣然太子不懌而去惠施見襄王曰昔王季厯葬於楚山之尾蠻

水

注引荆楚記云宜都烏水是也

齧其墓見棺之前和文王

曰噫先君必欲一見羣臣百姓也夫故使蠻水見之於是出而爲之張張以朝

蘇秦去韓之魏說襄王曰大王之地南有鴻溝陳留汝南鄆邵陵舞陽新鄴東有淮潁煮棗無疎西有長城之地北有河外卷衍燕酸棗地方千里而田舍廬廡之數無所蓄牧人民之眾牛馬之多日夜行不絕鞣鞣殷殷夫魏天下之強國也王天下之賢王也

魏哀王與田需爲相甚貴信之惠子謂田需曰子必善事左右今夫樹楊橫之則生折而樹之又生然使十人樹楊一人拔之則無生楊矣夫以十人之衆樹易生之物不勝一人拔者何也樹之難去之易今子雖自樹於王而欲去子者衆則必危矣

秦破魏軍於華陽走我將軍孟卯

國策史記並作芒卯

王使段干子從與秦南陽干以千金和蘇代

國策作孫臣

蘇代謂王曰欲璽者段干子也欲地

者秦也今王使欲地者制璽欲璽者制地地不盡則不和且夫以地事秦譬猶以薪救火薪不盡火不滅也王曰是則然矣雖然事始已行不可更矣蘇代曰王獨不見夫搏之所以貴梟乎便則食不便則止今王曰事始已行不可更是何言與王之用智不若梟乎王乃止其行

魏有吏羸脉與王處廩下仰見飛鳥引弓虛發而鳥墮下魏王怪問曰何以得至此羸脉

曰此葉生也王曰先生何以知之對曰其飛徐其鳴悲其飛徐者故創痛也其鳴悲者久失羣也故創未息而驚心未去聞弦音烈而高飛故墮也

信陵君嘗與王共博於是北境與烽火傳言趙寇至王釋博欲召大臣議之信陵君曰趙王獵耳非爲寇也復博如故王恐心不在博居有頃復從北方傳言趙王獵耳非爲寇也王大驚曰公子何以知之信陵君對曰臣之

客有能探趙王陰謀者趙王所爲客輒以報

臣臣以此知之

並御覽

右魏語

案魏策樂羊爲魏將篇有觀斯贊注引後語作堵師今闕

張儀說韓惠王

戰國策作襄王

曰韓地多陰惡山居

五穀所生非菽而麥民之食大抵飯菽藿羹
一歲不收民不厭糟糠

韓襄王十二年楚圍雍氏韓令使者求救於
秦冠蓋相望秦師不出使靳尚如秦謂秦王
曰韓之於秦居爲隱蔽出爲鴈行今韓病矣

秦師不出虜亡齒寒願大王計之也

並御覽

右韓語

案韓策於張儀爲秦連橫說韓王云豆飯藿羹注引後語作

菽餘無考

蘇代爲燕說齊欲見齊王齊王怨蘇秦不肯見代代乃說淳于髡曰人有賣駿馬者比三旦立於市人莫之知往見伯樂曰臣有駿馬欲賣之比三旦立於市人莫與言願子還而視之去而顧之臣請獻一朝之價伯樂乃如其言一旦而馬價十倍今臣欲以駿馬見於

王莫爲臣先後

注云先後導引也

足下有意爲臣伯

樂乎請獻白璧一雙黃金千鎰以爲馬食

注云

不示言人欲云爲馬之芻草

淳于髡曰謹聞命矣乃入言

之於王而見之王果善蘇代

厝毛壽

戰國策厝作鹿

謂燕王曰不如以國讓子之

人謂堯賢者以其讓天下於許由出不受有

讓天下之名其實不失天下

張儀謂燕王曰昔趙襄子之姊爲代王夫人

襄子欲并代因擊殺代王平其地其姊聞之

泣而呼天摩笄自殺代人憐之名其地爲笄山

齊趙將伐燕蘇代爲燕說趙王曰今者臣來過易水見小蚌方出曝而鷸啄其肉蚌合而挾其喙鷸曰今日不雨明日不雨必見死蚌鷸謂蚌曰今日不出明日不出必見死鷸兩未相舍漁父得而并擒之今趙且伐燕燕趙久相支以敝其衆臣恐強秦之爲漁父也故願大王熟計之趙王於是乃止

燕王使騎劫代將樂毅奔趙士卒離心田單
乃令城中食者先祭先祖於庭中飛鳥悉飛
舞其上啄食其噉人皆怪之

荆軻謂樊於期曰願得將軍之首以獻秦王
秦王必喜而見臣臣左手把其袖右手搃其
胸則將軍之仇報而燕國之耻除矣將軍豈
有意乎樊於期遂自刎乃盛樊於期之首函
封之於是太子預求天下之利匕首得趙人
徐夫人匕首取之百金使工以藥淬之

注云以藥

水鑿七

首爲淬以試人血濡縷無不立死者乃爲裝

遺荆軻荆軻將行太子及賓客知其事者二十餘人皆白衣冠以送之至易水之上旣祖取道高漸離擊筑荆軻和歌爲濮上聲士皆流涕又前而爲歌曰風蕭蕭兮易水寒壯士一去兮不復還復爲羽聲慷慨士皆瞋目髮盡衝冠於是荆軻遂就車而去

並御覽

齊威王與魏惠王會田於郊魏王問威王曰王有寶乎威王曰無有魏王曰若寡人國雖

小猶有徑寸之珠照前後車各十二乘者十枚奈何爲萬乘之國而無寶乎威王曰寡人之所以爲寶與王異吾臣有檀子者使守南城則楚人不敢爲寇東取泗上十二諸侯皆來朝吾臣有盼子者使守高唐則魏人不敢東漁於河吾臣有黔夫者使守徐則燕人祭北門趙人祭西門從而從之者七十餘家吾臣有種首者使備盜賊則道不拾遺以此爲寶將以照千里豈直十二乘哉魏惠王不懌

子付春秋後語

而去

羣輔錄云見史記及春秋後語案此條應補入齊語

右燕語

案燕策此篇下有中庶子蒙嘉吳氏補正云後語作蒙類注云

蒙恬弟也今闕